

四庫全書

子部

欽定四庫全書

子部

證治準繩卷九十五

詳校官太醫院醫士臣趙正池

編修臣倉聖脈覆勘

總校官進士臣朱 鈐

校對官助教臣羅萬選

謄錄監生臣姚培敦

欽定四庫全書

證治準繩卷九十五

明 王肯堂 撰

幼科

脾臟門

宿食

食積寒熱 痢

傷寒論人病有宿食何以別之師曰寸口脈浮而大按  
之反澀故知有宿食當下之宜大承氣湯傷寒然同一

發熱不傷食者惟肚腹之熱為甚且糞極酸臭夜間潮熱尤傷積之明驗也 小兒宿食不消者胃納水谷而脾化之兒幼不知樽節胃之所納脾氣不足以勝之故不消也神麩麥芽之屬皆腐化之物昔賢已謂能傷胃中生發之氣矣况進而三稜莪朮乎况又進而牽牛大黃巴豆乎脾氣一受傷於食再受傷於藥至於下之而氣已一脫矣所存幾何故夫尅食之藥不可多用下積之藥尤不可不審其證之可下與不得不下而後用也

錢氏論食不消脾胃冷故不能消化當補脾益黃散  
主之

保和丸 治飲食停滯胸膈痞滿噯氣吞酸或吐瀉腹

痛

加白朮一兩  
即大安丸

神麴炒

山楂

半夏

茯苓

各一兩

陳

皮

連翹

蘿蔔子

炒五錢

右為末粥丸桐子大每服三十九白湯下

愚按前方行氣尅滯之劑若元氣無虧暴停乳食而  
致斯證者宜用此消導之若元氣虛弱而乳食所傷

者必調補胃氣為主而佐以消導若乳食已消而作嘔者乃胃氣被傷當用異功散補之不宜仍用前藥重損胃氣治者審之

木香大安丸

木香

錢二

黃連

陳皮

白朮

錢各三

枳實

山查肉

萊菔子

炒

連翹

神麩

炒

麥蘖

炒

砂仁

錢各一

半

右為末神麩糊為丸陳廩米湯下

消食丸

又名消乳丸

治宿食不消

以下二葉，原書卷次訛誤

砂仁

陳皮炒

三稜炒

神麴炒

麥芽炒

香附半炒

香附兩

一炒

兩

右末麵糊丸如麻子大食後白湯送下大小加減

七聖丸

三稜

蓬朮

川棟

青皮

陳皮

芫花

杏

仁

右件等分先用醋浸芫花一宿炒漸乾次入蓬朮同炒赤色又入陳練等再同炒一處令微焦取出為末前

藥如各半兩杏仁亦用半兩湯浸去皮尖雙仁不用  
細研入巴豆二十粒去油和勻醋糊丸如黍米大一  
歲兒常服二丸臨卧溫熱湯送下使日間所殮之物  
一夜而化永無疳疾能使黃瘦子頓作化生兒今之  
小兒可去巴豆只入杏仁名七聖丸是也

三稜散 主諸般停滯疳積發熱瀉痢酸醜水穀不化  
常服和脾胃進飲食長肌肉益神氣

人參

去蘆七錢半

三稜

炮

淨香附

各一兩半

青皮

白

益智仁



陳皮

去白

枳殼

去穰對片麩炒

神麩

炒

穀芽

洗焙

半夏

製

莪朮

醋煮透濾乾對培

大黃

半生半炮

紫蘓

去老梗各半兩

甘草

半生半炙一兩二錢

右碎每服二錢水一盞薑三片倉米百粒煎七分無

時溫服氣虛者加白茯苓一兩

莪朮丸

和脾益胃消進飲食寬膈快氣悅色清神

莪朮

炮對

三稜

炮對

淨香附

三味各四兩醇醋浸七日慢火煮乾再焙

檳榔

一兩對

生牽牛末

一兩另研

青木香

去蘆

穀芽

淨洗焙乾

青皮

去白

各半兩

華澄茄

丁香

南木香

各四錢

右除檳榔丁香木香不過火及牽牛末餘七味剉焙  
仍同檳榔木香丁香為末臨入牽牛末和勻水煮麩  
糊丸菜豆大每服三十九至五十九無時用淡薑湯  
下溫茶溫酒皆好兒小者丸粟米大粒數下法如前  
丁香脾積丸

三稜

煨去  
皮毛

莪朮

去皮  
炒

神麩

炒各  
七錢

青皮

巴豆霜

小茴香

炒

陳皮

各五  
錢

丁香

木香

各三  
錢

右為細末醋調神麩糊為丸如菜豆大每服五七丸

生薑湯下

三黃枳朮丸

治傷肉溫麩辛辣味厚之物致填塞悶

亂不快

枳實

麩炒  
五錢

黃連

酒浸  
炒

大黃

濕紙  
裏煨

白朮

各一  
兩

黃芩

五  
錢

右為末湯浸蒸餅為丸如棗豆大每服五十九白湯

下臨時量所傷多少加減服之

聖惠訶梨勒散

治小兒宿食不化少欲飲食四肢消

瘦腹脇多脹

訶梨勒皮

三分

人參

白朮

麥蘖

炒  
令

微黃

陳橘皮

去白

檳榔

各半兩

甘草

一分炙微赤

右件藥搗

粗羅為散每服一錢以水一小盞煎至五分去滓量

兒大小分減溫服日四五服

朱氏木香丸 治小兒氣開胃進食

木香 人參 白茯苓 青皮 陳皮 肉豆蔻

各一分 三稜 一兩炮

右為末麪糊丸麻子大每服十丸薑湯下

朱氏洗心散 治小兒乳食傷心作壯熱喘息不調咳

嗽多睡

甘草

一錢生

麥門冬

一分半

皂角

半兩入沙糖塗酥炙後於盆下蓋良久出

火毒方用

右爛杵不羅每服二錢水一盞煎至八分作五服時

時喫

養脾丸

人參

白朮

當歸

川芎

各一錢半

木香

青皮

黃連

陳皮

各一錢

砂仁

山查肉

神麩

炒麥芽

炒各  
五分

右為細末水調神麩糊丸如麻子大每服三五丸  
陳倉米飲下

食積寒熱薛小兒食積者因脾胃虛寒乳食不化久而  
成積其證至夜發熱天明復涼腹痛膨脹嘔吐吞酸足  
冷肚熱喜睡神昏大便酸臭是也有前證而兼寒熱者  
名曰食積寒熱若食在胃之上口者吐之胃之下口者消  
之腹痛痞脹按之益痛者下之下後仍痛按之則止者

補之夾食傷寒者先散之用參蘓飲熱甚便秘者先利  
之用大柴胡湯如無外感但只傷食不至於甚保和丸  
調之蓋脾為至陰之藏也故凡脾病者至夜必熱熱而  
兼寒則又見所勝者侮所不勝矣食未消者消之則寒  
熱自止食既消者補之則寒熱自痊若手足並冷喜熱  
飲食此中州虛寒也宜溫之大便欲去不去脾氣下陷  
故也升之若夜間或侵晨泄瀉者脾腎俱虛也用四神  
丸濕手足並熱作渴飲水者脾胃實熱也用瀉黃散脾

大便秘結用大柴胡湯

熱

潮手足雖熱口不作渴大便不

實者用白朮散

渴

仍參腹痛腹脹積痛積滯治之

食積痢曾有食飽傷脾胃氣稍虛物難消化留而成積

積敗為痢腹肚微痛先調胃氣次理積却止痢則病根

自除和中散

吐瀉

理虛養胃三稜散

見前

烏犀丸

積助

脾化積沉香檳榔丸

積

守中湯

濕

進食止痢仍忌生冷

粘膩等物不致復作

千金治小兒食不知饑飽方



用鼠屎二七枚燒為末服之

痞結

此痞在腹內與心下之痞不同

楊痞者塞也結者實也熱氣蘊於胸膈之間留飲聚於腹脇之內於是榮衛不能流行藏府不能宣通由脹滿而致痞結勢使然耳此熱實之證也時或發為壯熱聖惠甘遂散主之此藥治小兒痞結雖服湯藥時暫得利而滯實不去心下胫脹按之即啼內有伏熱諸候併成此疾宜疎利大便破結散氣後宜常服進食丸按進

食丸有巴豆豈宜常服甘遂有大毒瀉水如決江河非十分壯實十分危急十分水氣三者俱備未可輕用今以為痞結主方謬矣 薛痞癖既久飲食減少脾氣必虛久而不愈必先以固胃氣為主使養正則積自除若欲直攻其結不惟不能善消抑亦損其脾土脾土既虧必變證百出矣當參各類及隨見證而主治之 一小兒患痞癖服檳榔蓬朮枳實黃連之類痞益甚余曰此脾經血虛痞也不可尅伐遂用六君子加當歸數劑胃

氣漸復諸證漸愈乃朝用異功散加升麻柴胡夕用異  
功散加當歸芍藥而愈 小兒患痞結服尅滯之藥余  
謂屬形病俱虛當補中益氣湯不信乃行尅伐遂致虛火上  
炎齒齲蝕爛頷下結核余用大蕪荑湯及異功散加減  
用之而安 一小兒患痞結久而四肢消瘦肚腹漸大  
寒熱嗜卧作渴引飲用白朮散為主佐以四味肥兒丸  
月餘諸証漸愈又以異功散加當歸并六味地黃丸又月  
餘而愈 一小兒患痞結身熱如火病狀多端不可盡

述朝用五味異功散夕用四味肥兒丸月餘諸證稍愈  
佐以地黃丸自能行立逐朝用地黃丸夕用異功散及  
蝦蟇丸數服而愈

聖惠前胡散 治小兒腹內痞結壯熱羸瘦多喘

前胡

川大黃

各三分  
微炒

枳殼

炒微黃

赤茯苓

犀角

屑

郁李仁

湯浸去  
皮微炒

鼈甲

塗醋炙令黃去  
裙襴各半兩

右件藥搗麤羅為散每服一錢以水一小盞煎至五分

去滓看兒大小分減溫服微利為度

聖惠甘遂破結散

甘遂

煨二錢半  
令黃色

青皮

浸去  
白焙

黃芩

川大黃

剉細煨  
各半兩

右為麤末每服一錢水一小盞煎至六分去滓溫和服量大小加減得通利則止後以冷粥補之

進食丸 治乳食不消心腹脹滿壯熱喘麤嘔吐痰逆腹鳴泄瀉米穀不化或下痢赤白腹痛後重及食癥乳癖瘰癧氣痞結並皆治之小兒胸膈熱實腹內有留食致令禁衛痞塞藏腑之氣不得宣通其病腹內氣

結脹滿或壯熱是凡有此疾當疎利大便破結散氣

巴豆霜

一錢二分

當歸

米泔浸一宿炒

硃砂

代赭石

蝦醋淬七錢

枳殼

炒

木香

各半兩

麝香

少許

右為末麪糊為丸如麻子大一歲兒一丸溫米飲下

更量虛實加減食後服治食積發熱羸瘦腹大青

筋疝積肚疼嘔露

湯戶部張侍郎小娘子患此蘊積結聚已經年矣其候

腹滿肚熱大小便閉不食諸醫皆作虛熱潮熱或作胃

寒不食治然既不食大小便自然少又欲作疝熱治百藥俱試而無一中勢已窘迫招予視之問曰合服何藥答曰當服甘遂大黃張驪駭目前諸醫者皆用補劑此女不進食久矣不宜利動腸胃予答曰信我者生逆我者死張曰更有無甘遂而次於此藥方者可否予令即服大承氣湯二服而愈次日診之尚有餘滯積實其證必過數日而復閉須服前藥始可除根數日後果再閉腹滿痞結再投此藥一服而痊

右疎利大便

例形

氣俱實者宜之

枳朮丸

白朮

四兩

枳實

二兩

右為末荷葉包煨爛飯丸如桐子空心滾湯下四五十丸

枳實理中丸

枳實

十六斤  
炒

茯苓

人參

白朮

乾薑

炮

甘草

各  
二兩

右蜜丸如龍眼大每服一九熱湯下二三服胸中豁



然渴加栝蒌根一兩自汗並下利加牡蠣二兩煨過

快膈湯

理胸膈不快飲食少進亦能順氣和中消導

宿滯

人參

去蘆

青皮

去白

縮砂仁

烏藥

良薑

製香附子

甘草

炙各一兩

為細末每一錢溫鹽湯空心調服

參朮陷胸湯

人參

白朮

茯苓

橘紅

半夏

各一錢

瓜蒌

全用

細切帶濕三錢

黃連

甘草

各五分

右用水一盞半薑三片棗一個煎七分溫服

潔古云飲食不進四君子加薑煎

積

漢東王先生家寶小兒積病可醫者九 面上虛者是積積者是脾之所係脾主身之肌肉故應面故知是脾積其脾係土土無正形故早晚浮腫不定多則早浮其睡則脾不磨上面作腫若病後此證則是虛中積宜用調胃消積行氣等藥 面合地卧是積何以合地其受

積在脾是冷積何以知之其脾好土故知在脾其冷者屬陰故知傷冷硬食得之宜下熱積氣藥耳腹脹是積其積在肺何以知之其肺主於氣纔當受積其氣便冷腹脹滿氣急故知在肺如腹脹先宜調氣後轉轉後更宜調氣小便如油是積其積在小腸何以知之其積受於脾脾當傳心心不受觸則入小腸小腸是心之腑故知在小腸則節其水道小便如米泔油相似也髮黃是積是積氣傷心心主血脉陰遍身毛髮被積氣

所干則髮黃故知是積傷心宜下空心散及取積藥此人必時復發熱也 赤白痢是積其積在肺受傳大腸及有外傷冷而得何以知之其肺主西方庚辛金其色白後赤則是外邪故知肺傳大腸則為赤白痢也宜取後調氣 兩眼黃赤睛青是積其積在肝何以知之肝主東方甲乙木色青却被積氣所干即黃赤睛青者眼屬五藏肝是其主肝若受積故令眼睛青是肝受積若傳膽其人口苦不要喫物宜涼藥退之 遍身虛腫是積其積不在

藏只在府何以知之為其積曾取後被藥發動即不在藏故出皮膚之間為腫也只宜下取虛中積藥然後補之多瀉白糞是積是受冷積在脾何以知之脾主化受冷積在脾冷滑而瀉白糞故知在脾宜先轉後熱藥補之積病不可醫者六喘急是肺積肺主氣其喘急則肺絕其人當面白全無血色故不可醫也面黑是腎積其人面黑者是腎絕也人當不辨好惡眼直無光只得一日而死也吐熱氣是榮積其不醫者是血

絕不可治也。血主心，心不能管，故出熱氣不止耳。手  
脚心生瘡，是衛積衛者氣也。胃氣不生，故手足生瘡。若  
衛絕則氣不回，只得半日而死也。惡心吐乾嘔，是胃積，何  
以不醫？胃主化食，其胃熱則惡吐，故不治其人必乳食  
不化，不食亦乾吐嘔，面色青黃無血色。瀉久住又瀉  
是積咬脾爛，何以知其脾爛？其人當瀉白糞，為食不消  
住了，却放糞赤黑而死，即知脾爛不可治。

寶鑑論小兒五積為藏氣不行蓄積一處不動，故曰積。

夫心為伏梁在臍上上攻其心下攻胃口脾為痞氣在胃口上橫之肝為肥氣在臍之左邊肺為息貫在臍之右畔腎為賁豚在臍下各有變動非食之所成乃氣積也藏屬陰故在一處而不動也聚謂六府之氣留聚也府屬陽陽氣運轉不停故其聚不定一處發而腹痛積聚之候皆面黃瘦劣嘔噎不生肌肉髮立或肌體浮腫腹急多困多為水氣真珠囊虛中積候凡驚中虛積者謂因驚取復驚發動是也所下糞青穢凡虛中有積

者因傷食而瀉又吐如此漸虛其病未差故曰虛積也  
又虛中之積有積而頻頻取轉却取轉不著致其積尚  
伏故亦曰虛中積若驚積取下則糞隨驚青如是食積  
即糞成塊子凡疳中虛積者因疳病轉瀉虛而疳不退  
故虛中爾所取下糞裏白色也 曾凡嬰孩所患積症  
皆因乳哺不節過餐生冷堅硬之物脾胃不能尅化積停  
中腕外為風寒所襲或因夜卧失蓋致頭疼面黃身熱  
眼胞微腫腹痛膨脹足冷肚熱喜睡神昏飲食不思或



嘔或噦口噫酸氣大便酸臭此為陳積所傷如覺一二

日先以百傷飲

外感

發表次當歸散

潮熱

水薑煎服溫動積

滯方下烏犀丸六聖丸重與寬利後用勻氣散

病調補

湯凡有積滯須辯虛實况孩兒虛瘦長短黑白南北

古今不同不可一概論也於今之法實者可服進食丸

虛而微白及疳瘦者宜服肥兒丸

即三因肥兒丸見腹脹條

薛初

患元氣未損之時或腹脹作痛大小便不利者先用白

餅子或木香檳榔丸下之下後以白朮散或五味異功

散和之渴加乾葛吐加半夏下而熱不退或作嘔作瀉  
飲食不思此脾胃俱傷也用六君子湯手足指冷喜飲  
熱湯此脾胃虛寒也前方加炮薑木香面色黃白目無  
精光脾肺俱虛也用四君子加柴胡升麻腹痛瀉利下  
重或小便不利者用四逆散發熱晡熱或瀉未已脾氣  
下陷也潮熱口渴大便不調欲變疴証也並用補中益  
氣湯佐以肥兒丸經云邪之所湊其氣必虛留而不去  
其病乃實必以調脾為主而以消導佐之古人所謂養

正積自除正此意也

千金紫雙丸 治小兒身熱頭痛飲食不消腹中脹滿  
或小腹絞痛大小便不利或重下數起小兒無異疾  
惟飲食過度不知自止哺乳失節或驚悸寒熱惟此  
丸治之不差更可重服小兒欲下是其蒸候哺食減  
少氣息不快夜啼不眠是腹內不調悉宜用此丸不

用他藥數用神驗千金不傳方

臣億等詳序例中凡云服紫丸者即前變

蒸篇中四味者是也云服紫丸不下者服赤丸赤丸  
差駛病重當用之方中並無赤丸而此用朱砂者又

力蒙於紫丸疑  
此即赤丸也

巴豆

去皮

蕤核仁

去皮各十八銖

甘草

炙五銖

牡蠣

火煨赤

黃蠟

各八銖

甘遂

朱砂

各二銖

麥門冬

去心十銖

右以湯熱洗巴豆研新布絞去油別搗甘草甘遂牡蠣  
麥冬下篩訖研蕤核仁令極熟乃內散更搗二千杵  
藥燥不能相丸更入少蜜足之半歲兒服如荏子一  
雙一歲二歲兒服如半麻子一雙三四歲服如麻子  
二九五六歲者服如麻子大二九七歲八歲服如小

豆二丸九歲十歲微大於小豆二丸常以鷄鳴時服之至日出時不下者投粥飲數合即下丸皆雙出也

下甚者飲以冷粥即止

茅先生青金丹 小兒諸積病悉主之

滑石

末

白丁香

羅過

天南星

各二錢七

青黛

羅過

挑二錢

輕

粉

重二錢

水銀

秤二錢

先以錫二錢

於鍋

內

鎔化

便下水

銀拌和

勻傾出

於地

冷用

川巴豆

去皮

華水浸

一宿

懸當風

處吹乾

爛研

無缺損者

井

右藥同拌用軟飯為丸如小菘豆大巴豆不出油依

形證用湯使下

傷寒後取積淡煎葱湯吞下取疳

蟲用牛肉灸汁下驚風肚中緊硬面青黑金銀薄荷

葱湯吞下內傷看肚中及腹皮上微熱肚脹夜間作

熱似疳又不似疳面青黃色眼微黃此腹中有積用

皂角子二七粒灰火煨過用水一盞煎至半盞下有

積作瀉魚鮓湯下氣積炒蘆香湯下凡下此藥周歲

十四丸三歲十八丸七歲二十四丸量大小加減下

須是四更初下至天明通下積來盡時可依形證候

下藥補之臨喫此藥恐先吐下些小涎來亦不妨

萬靈丸 主小兒諸積依形證用之

木香 黃連 蓬莪茂 陳橘皮 檳榔

各半分

各去瓢一分

一錢半重者一枚

右為末每藥一錢用巴豆一粒去心膜用醋煮令紫色用杏仁一枚去皮尖燈火上煨留性二味都研用醋麩糊丸如小菽豆每服五丸七丸十九薄荷薑湯吞下

錢乙消積丸

丁香

九枚

碓砂仁

十二枚

烏梅肉

三個

巴豆

二枚去油心膜

右為細末麩糊丸黍米大三歲已上三五丸已下三

二丸溫水無時下

紫霜丸 消積聚

巴豆

去油心膜

杏仁

去皮尖各二十一箇

代赭石

一錢研細水飛

右為末飯丸如米大每服三五丸至十丸煎皂角仁

湯下無時兒小者減之

真珠丸

取小兒虛中一切積聚驚涎宿食乳癖治大



小便澀滯療腹脹行滯氣

木香

白丁香

直者丁香

末

輕粉

各半錢留少許為末

白滑石

末二錢

巴豆

十四粒水浸一宿研極膩

右為末濕紙裏燒飯丸如麻子大一歲一九八九歲以上至十五歲服八九泡皂子煎湯放冷下挾風熱難動者先服涼藥一服乳癖者減丸數隔日臨卧一服

消堅丸

消乳癖及下交妳又治痰熱膈實取積

礪砂

末

巴豆霜

輕粉

各一錢

黃明膠

末五錢

細墨

少許

水艮沙子

兩皂  
子大

右同研細末少入麩糊為丸如

麻子大倒流水下一歲兒服一丸食後

白餅子 治小兒腹中有癖不食但飲乳是也

滑石 輕粉

半夏

湯洗  
焙乾

南星

各一錢  
為末

巴豆

二十  
粒

去皮膜水一升  
煮水盡為度

右研勻巴豆後入衆藥糯米飯丸如菜豆大捏作餅子兒  
三歲已上三五餅四歲下一二餅臨卧白湯下

張渙萬靈丹 治小兒脾胃久不和挾積服溫熱藥皆

不効此藥神妙

肉桂

川黃連

蓬莪茂

各一兩

肉豆蔻仁

檳榔

陳橘皮

去白焙乾

木香

丁香

各半兩

以上搗羅為細末次用

巴豆

去皮

心膜

杏仁

髒炒去皮尖二件并燈上燒灰存性各二七箇

右件同搗拌勻滴水丸黍米大每服未周晷一粒二

三歲二粒三四歲三粒五七歲五粒十歲已上七粒

用生薑湯放冷下乳食後久積或乳癖並宜常服

煎紅丸 磨癖積殺諸蟲進飲食神効男女老幼皆可

服孕婦勿服

乾漆

炒烟盡

紫芫花

醋拌炒各一錢

巴豆

七粒去皮心不去油

斑蝥

七枚

去頭足翅炒研時塞兩鼻孔

右為末醋糊丸梧桐子大用紅紗包紅線纏定煎下來每服一丸同後藥服之南木香雷丸三稜

生莪朮

百部

微炒各半兩

貝母

檳榔

大黃

生各一兩

史君子肉

四十半生九粒半炒

牽牛

生半斤取頭末三兩半

右為末用皂角十錠槌碎山茵陳一兩苦棟根皮二兩水四

碗砂鍋內慢火煎至一小碗將前末搜為丸梧子大  
日乾小兒粟米大每服二錢半重各隨後證改湯使  
引下五更初服忌葷腥生硬油膩物此方與諸方甚  
異毋忽 小兒齁齶喘急咳嗽桑白皮湯下 取寸  
白蟲煎石榴根湯下 腳氣腫不可行木瓜湯或蜜  
水下 取蛔蟲苗蟲沙糖水下 小兒一切諸証蜜  
水或沙糖水下 酒痢酒積百藥煎湯下 婦人血  
脈不行淡醋紅花湯送下 婦人血蠱葱白湯下

腸風下血煎山梔子湯下 大小便不通淡醋湯下

食積氣塊諸証用溫蜜水溫茶湯下

局方進食丸 治乳食不化心胸脹滿疳積肚疼

木香炮 枳殼去白炒 當歸各五錢 代赭石另研 硃砂三錢

巴豆去油膜 麝香另研

右麪糊丸如黍米大一歲二丸量兒大小加減米飲下

六聖丸曾氏 治諸積和胃大能主氣厚腸消疳快膈

莪朮炮 淨黃連 陳皮去白 白蘆炮各五錢 南木香二錢半

右除木香不見火餘四味剉焙同木香為末每一錢  
重巴豆三粒去壳膜心存油碎切入乳鉢細研同前  
藥再研勻醋煮麩糊丸麻仁大每服十五粒至二十  
五粒或三十五粒五更空心淡薑湯下利三五行勻  
氣散止補方見常服助脾化積進食消疴臨睡以淨  
湯或湯酒下三粒及五粒每次止丸藥末三錢淨巴  
豆九粒為則不可多合久則味散

烏犀丸

曾氏

主諸積滯夾驚夾風溫胃調脾消進飲食吐

逆醋醱氣面黃肌瘦不拘孩兒生後歲月遠近並宜  
可投

烏犀

即皂角對三寸長皮灰火中見青烟起為  
度取出地上瓦盤蓋定存性冷用七錢

真方五色丸子 治小兒一切所傷痰涎壅塞胸膈不  
利乳食不消變生癖積脇肋片硬按之疼痛及治一  
切急慢驚風發搐痰涎壅塞

青丸子

青黛

別研

南星

薑製各半兩

巴霜

半錢

紅丸子

朱砂

水飛

半夏

薑製各半兩

巴霜

半錢



黃丸子

大黃

煨鬱金

各半兩

巴霜

錢半

白丸子

白附子

生

寒水石

煨各半兩

巴霜

錢半

黑丸子

五靈脂

炒

全蝎

炒各半兩

巴霜

右前五色藥各另研為細末入巴霜半錢同勻麩糊丸粟米大一歲服五丸乳汁送下量大小加減或薑湯下急驚金銀薄荷湯慢驚生薑全蝎湯

下積丸

治乳食傷積心腹脹滿氣麤壯熱或瀉或嘔

丁香

粒二十

縮砂仁

粒二十

史君子肉

粒五

烏梅

巴豆

肉 不去油  
各三枚

右為末爛飯丸麻子大每服三圓陳皮湯下

五珍丸 治酒食積通用

青皮 乾薑 燒存性 蓬朮 五靈脂 各一兩 巴豆肉 去半

油一錢

右為細末粳米飯丸麻子大每服三五丸米湯下

硫黃 白薑 各三錢半 陳皮 去白 川烏 炮去皮臍 巴豆 去殼

膜心存油  
七十七粒

右先研硫黃細除巴豆外餘四味同

焙為末却薄切巴豆細研同前五味藥末杵勻用粳  
米飯包作一大粽子小瓦餅盛水熱煮候冷取出沙鉢  
內爛杵細布兜緊絞出如稠糊安在別器內以藥末  
亭分同杵細軟丸粟粒大取諸積每服十五丸或五  
丸或二十一丸至三十三丸並用淡薑湯泡冷飯取  
汁小盞五更初空心送下通利三五行以勻氣散止  
補治積吐有醋醎氣每服三丸至五丸用淡薑湯入  
米醋少許候溫空心下

水晶丹

曾氏

治驚積食積蟲積腹脹煩啼心惡食減面黃

並宜通利此藥有頑積驚重風緊涎多熱極及可服

非常用之劑及急驚後風痰未盡免生癡疾宜再投

南星

剉作小塊  
湯煮少時

半夏

湯泡去滑  
各三錢

滑石

四錢

輕粉

五十  
貼

淨蕪荑

三百  
片

巴豆

五十粒去殼湯泡七次又去心  
膜作兩半水煮少時晒乾碎切

右前三味焙為末拌和輕粉外蕪荑巴豆同碎切在

乳鉢內細杵入前藥末再拌勻如烏犀丸內 糊丸

麻仁大每服十五丸至二十五丸或三十五丸糯米

湯泡葱白取汁小盞五更初空心下過三五行進勻  
氣散調補下風痰淡薑湯空心服

聚寶方聖餅子 取一切積及虛中積下風涎藥取病  
甚穩全不搜攪

輕粉

粉霜

各四錢

石鷲子

大者二枚  
先為細末

延胡索

大者二十

八個  
為末

右四味同研勻滴水和丸如大棊子大仍放厚陰乾  
每服一餅先用熱水浸軟冷漿水調下臨卧更深服

後急漱口此藥只取積滯並不損氣更臨時加減若  
下驚積則每料更入朱砂生龍腦各一錢重小兒一  
餅作四服或便捏成小餅子

吉氏追魂散 治果子傷積

白丁香 輕粉 官桂

去麤皮  
各三錢

右為末冷水調下半錢睡時服來日取下所傷物用  
異功散煎紫蘇木瓜湯調三服和氣

異功散方  
見吐瀉

沉香檳榔丸 和脾助胃進食清神寬胸快膈順氣調

中悅顏色壯筋骨理面帶痿黃肌膚瘦弱過食生果  
停寒在裡乳癖腹脹作疼及吐利瘧腫瘡後諸疔蟲

積

沉香 檳榔 檀香 南木香 丁香 三稜炮

神麴炒

莪茂炮

麥芽洗

厚朴刮去麤皮

蒼朮薑汁炙

米泔

浸剉

炒黃

史君子肉

剉瓦上焙乾

青皮

陳皮各去白

縮砂仁

益智仁

淨香附

枳殼去瓢

良薑製各半兩

甘草

灸一  
兩半

右除前五味不見火餘十五味劉焔同沉香等為末  
麩糊丸麻仁大每服三十九至五十九溫水送下兒  
小不能吞嚥煉蜜丸如芡實大溫湯化下一二丸

集驗蓬朮丸 治乳食不化心腹脹滿一切所傷

三稜

莪茂

並煨

淨陳皮

淨香附

炒

蘿蔔子

炒各半兩

砂仁 淨青皮

淨枳殼

麩炒

胡黃連

蘆薈

各三錢

胡椒

半錢

右為細末糊丸如黃米大每三十九至四五十丸溫  
米飲下日三二服忌生冷硬物



乳積其候但是吐下乳來有酸臭氣因啼叫未已遽與

乳喫停滯不化而得茅先生先用丁香散吐瀉調胃後下

牛黃丸取下妳積後下勻氣散不乳食常服健皮散不乳食

即愈 聖惠乳癖之候面色青黃發歇壯熱吐乳多睡

口内生瘡漸漸黃瘦腹內結塊不散由乳母食飲無常

醉飽過度便即乳兒或乳母偏卧一向乳兒不能迴轉

兒亦睡著乳帶偏於脇下因茲結聚成塊而痛者是也

聖惠京三稜散 治乳癖結實或有滯惡停積不化令

兒日漸羸瘦面色痿黃春夏多發不欲乳食

京三稜

川大黃

微炒

檳榔

鼈甲

赤茯苓

各半兩

枳殼

麩炒微黃  
二錢半

右搗羅為散每服一錢水一小盞煎至五分去滓分為二服日三四服逐下惡物為度

張渙三稜散

治小兒乳癖結實不瘥

京三稜

地剉

赤茯苓

當歸

洗焙乾

鼈甲

醋炙黃去裙各一兩

枳

殼

麩炒去瓢

木香

白朮

各半兩

右搗羅細末每服一

錢水一盞入生薑七片煎至五分去滓放溫時時與服

聖惠化癖丸 治乳癖結塊久不消化諸藥無効

巴豆霜

半兩膩粉

朱砂

各一錢研

黃鷹糞

二錢半

礪砂

雄雀糞

各一字

右件都研如粉用糯米飯和丸如米大一歲兒每服空心煎皂莢仁湯下二丸取下惡物為度

丁香化癖散

廿

治乳癖

白丁香 蜜陀僧

硫黃

已上各二錢

礪砂

五分

輕粉

少許

右研細末每一歲兒服五分男病女乳調女病男乳調出下黑糞為度後用通膈丸泄之

二丁丸

見疳門  
疳熱條

青礪石丸

治証同前

硫黃

三錢

青礪石

五靈脂

鍋底黑

各一錢半

白丁香

一錢  
去土

右為末米飯丸菜豆大捻餅子每服二十餅溫水下

玉訣銀白散 生胃氣取下後宜服此方

人參 茯苓 甘草炙 白朮炒 白扁豆去皮 藿香

右各等分末一錢紫蘓湯調下

張氏治小兒妳癬方

用芫花

一兩 醋浸 三日 淨洗

大黃

半兩

右為末入蒜一片同研爛男左女右用藥塗在乳母手心

熨擦癬上如聞得患人口中出藥氣即時取了立效

董氏家傳治小兒妳癬極効方

紫河車

二兩寒食麩

三兩

右為細末每用一匙許水調塗足心病在左塗左病在右塗右塗於紅帛上縛之良久其病大便中下去  
孔氏家傳治小兒妳癬方

右用蜜陀僧不拘多少研極細以大蒜自然汁調稠稀得所塗於有妳癬處據其大小周遍又不可塗之太過須臾候兒口中有蒜氣息即是藥透仔細以手揉之覺妳癬似消及五六分即用溫漿水洗去切須量

度不可令消盡恐藥毒損氣也如未消藥先乾即以  
溫水潤之

譚氏殊聖治月裏孩兒妳癩方

紫河車草人參各等分

右為末用好醋調拍成餅子如大錢大如左畔有癩者  
藥貼在左畔脚心用緋帛札乾後見效左右一般使藥  
食積肚硬而熱於他處或瀉或嘔因飲食過飽飽後即  
睡而得茅先生用牛黃丸取積後用勻氣散調理常服

萬靈丸即愈 錢氏消積丸真珠丸

方見前

快膈消食丸

砂仁 淨陳皮 三稜 莪茂 神麴 麥蘖

各半

兩 淨香附子

另炒

右丸如麻子大食後白湯下看輕重用下積方加製枳殼

氣積其候面色黃白不進食腹痛天矯啼叫利如蟹渤  
此因榮衛不和二氣乖忤日久得之 茅先生用萬靈  
丸勻氣散醒脾散相夾調理



秘錄治小兒氣癰取三稜針作羹粥以米麩為之與乳  
母食每日取一束大與兒喫亦得作粥與羹熟食之  
治小兒十歲已下及新生百日無問癰熱無辜瘡癰  
等皆理之妙不可言

中脾積面黃如土色或面帶虛浮臍上微痛肚皮熱飲  
食減少纔食便言臍上及腹中痛所食不化頭微熱此  
因先食硬物或冷物所傷在脾治之先下青金丸前見  
下脾中積後用勻氣散醒皮散調理常服健脾散萬靈

丸即愈

驚積曾有時時泄清水如生米汁是受傷而復有積煩悶啾唧常以生嗔名為驚積先解驚後理積解驚五苓散或百解散理積三稜散或烏犀丸及三解散炒神麩生薑煎湯調服醒脾散沉香檳榔丸寧驚化積壯氣和胃仍節冷乳自然平治

莊氏紫金丸 治大人小兒因驚積聚黏滑毒物在脾胃累曾用藥取不下變成虛中積大人喫食吐逆心腹脹

滿夜有虛汗日漸瘦惡用薑棗湯下七丸婦人血氣米  
飲下五丸至七丸小兒驚積體熱困重目不開用黃連  
甘草桃仁薄荷湯化膩粉一字許下一歲上三歲下三  
丸小兒只可一丸二丸

蝟稍

三七個

犀角末

銀末

朱砂

各一錢

右研極細末用水面糊為丸菘豆大依前湯使

莊氏軟金丸 治疔疔下積聚

青黛膩粉

胡黃連

麝香

各二錢半

寒食面

三錢

君子天漿子

三

個三七

右滴水和丸如桐子大每服一九金銀薄荷湯下

劉氏桃紅散 治小兒驚積疳積常服進食面如桃花

馬牙硝

朱砂

茯苓

人參

各等分

右末二歲服二匙一歲一匙三歲亦二匙四五歲三

匙新汲水入少蜜調下蜜水約盞內三分許

湯氏云驚癇須用蒙石藥方可治之

虛中積其候渾身微熱不思飲食昏昧神緩抱著一似

睡未覺肚熱足冷者多因吐瀉大病及攻擊之後而得此候茅先生先用青金丸取積後用勻氣醒脾散調理常服萬靈丸保童丸即愈

王先生靈砂丹 下虛中積藏府虛滑泄瀉久經取轉裏急後重久積惡痢暴瀉久不止神效

通明礮砂一錢 顆塊辰砂

通明有墻壁者二錢半各細研

右二味衮研極細用黃蠟半兩先於盞內鎔化入去皮全巴豆三七粒煎候巴豆紫色為度漉豆出細研

入前二味再研勻於黃蠟內三分取一再鎔成汁傾藥入內急攪令勻刮入甕合收之每服暴瀉惡痢旋勞三丸如菘豆大濃煎艾湯先呷三五口然後吞下水瀉冷水吞下如取積每服三丸如梧桐子大濃煎甘草湯放冷吞下臨卧服其久積藥隨積下其小可不動便安

按既是虛即不宜用峻劑取積仍須用四君子益黃散之類相兼服之

實積其候大便不通風毒瘡癰喉閉痒腮咽中涎響茅

先生先用奪命散

急驚

吐下熱涎後用勻氣散醒脾散調

理常服牛黃膏天竺黃散

並實熱

鎮心丸即愈

積痛仲陽云積痛口中氣溫面色黃白目無精光或白

睛多及多睡畏食大便酸臭者當磨積而痛自除宜下

積丸甚者白餅子下之後和胃氣用白朮散

湯小沉香

丸感應丸治之又有食積肚痛有熱者芍藥甘草湯

腹痛

加乾葛吐者加半夏生薑或加枳實亦効

小沉香丸 和中順氣進食消痰

砂仁

蓬茂

各四錢煨

香附子

去毛炒一兩八錢

舶上丁香皮

二兩

沉香

六錢

甘松

去土三兩六錢

益智仁

微炒一兩二錢

兩四錢

右餅和丸如桐子大每服三四十九食後薑湯下

積寒熱良方妙香丸 治小兒虛中積潮發寒熱心腹

脹滿疼痛

辰砂

一兩

牛黃

生龍腦

麝香

箔

十四片

粉霜

膩粉

黃蠟

二兩

巴豆

肥者一百二十粒



右丸如彈子大量虛實加減龍腦漿水下夜半後服  
藏虛即以龍腦米飲下每服三丸如小豆欲藥勢緩  
即按令扁疾堅者加至十九丸皆以針刺作數孔以行  
藥力小兒取積丸如菘豆治小兒吐逆尤效此藥最  
下胸中煩及虛積

嬰孺治小兒自下後得寒熱血結成癖氣在左脇下或  
寒飲或冷食積聚氣動胸心留熱不下食飲閤瘦宜  
先服少飲子散氣下食後服紫雙丸去宿積自充溢

也飲子方

柴胡 茯苓 人參 白米 鼈甲

醋塗炙香  
熱各半兩

右切如豆大水二升煎五合空心分溫三四服相去

如人行一二里久再服

食粥  
將息

瘕癖茅先生論小兒生下五個月日上至七歲有結癖  
在腹成塊如梅核大來去或如卵大常叫疼痛者亦分  
數類在左脇下痛者名瘕氣在右脇下痛者名癖氣下  
蓬莪朮散夾建脾飲

不乳  
食

與服即愈如見面黑眼直視

瀉黑血鼻口冷手足冷不進食者死 錢氏論小兒病  
癖由乳食不消伏在腹中乍涼乍熱飲水或喘嗽與潮  
熱相類不早治必成疳以其有癖故令兒不食致脾胃  
虛而熱發故引飲過多即蕩滌腸胃亡失津液胃不能  
傳化水穀其派沉細益不食脾胃虛衰四肢不舉諸邪  
遂生鮮不瘦而成疳矣 論癖為潮熱云曹宣德子三  
歲面黃時發寒熱不欲食而飲水及乳不止衆醫以為  
潮熱用牛黃丸麝香丸不愈及以止渴乾葛散服之反

吐錢曰當下白餅子

前見

後補脾乃以消積丸磨之

前見此

乃癖也後果愈何以故不食但飲水者食伏於管內不能消致令發寒服止渴藥吐者以藥衝癖故也下之即愈 仁齋曰癖者血膜包水側僻於脇旁時時作痛也惟癖為能發潮為能生寒熱故瘧家中脫多畜黃水日久而復結癖寒熱不已有是疾者以此小兒藏府和平榮衛調暢則津液自然流通縱使多飲水漿不能為病惟乳哺失調三焦闕隔以致水飲停滯腸胃不能宣通

如冷氣搏之則結聚而成癖輕者用積滯木香丸重者用  
取癖丸 曾氏曰嬰兒始生稟賦未完失於襁褓之不  
謹乳哺之不節外為六淫侵襲內因五藏氣虛冷積久  
停於脾不能尅化結成癖塊突於脇下或左或右俗曰  
龜癆其疾皆因積滯蘊作致有寒熱或腹肚疼痛或晝  
涼夜熱治療之法氣實者亦須溫正胃氣後用烏犀丸  
或水晶丹下之如過二三次即以稀粥略止候所作形  
證消盡方投補益之劑氣虛者先與調脾胃固真元神

色稍正飲食進多如前法下之若太虛甚用三稜散化  
癖丸漸消之順適陰陽以平為期然先補後瀉行迎奪  
之法則取去陳寒冷積若面黃唇白髮豎肌瘦乃虛極  
不可輕下但徐徐用藥消化調理為上若兒小者更令  
乳母常服藿香飲使藥從乳過亦少助也

茅先生蓬莪散 主小兒疔氣一切氣疾

蓬莪茂

青橘皮

益智

各半兩

木香

二錢半

糯米

一兩

右為末每服一大錢用陳米飲調下日進四服

聖惠鼈甲散

用鼈甲

一枚塗醋炙  
令黃去裙襖

右搗細羅為末每服一錢

以童子小便一小盞煎至五分量兒大小分減服之  
日三服神效

化癖丸

曾氏

主癖結氣塊在脇之間日久不化乍寒乍熱

府藏不調米谷不消哽氣喘促胸腹滿悶及理丁奚

哺露

南木香

陳皮

去

白朮

炮

三稜

炮

青皮

巴豆

九粒

去皮膜

心

微炒去  
巴豆

枳殼

去穰  
炒

檳榔

七味各  
半兩

白朮

丁香

二味  
各二

錢

細辛

燒存性  
四錢

右除木香檳榔丁香不過火餘七味焙同前三味為末麩糊丸作麻仁大每服十五丸至二十一丸清米湯空心下有寒熱往來以柴胡飲間服忌油膩生冷木香丸 治吐乳瀉乳其氣酸臭由啼叫不已以乳與兒停滯不化是為乳積肚硬熱渴吐瀉由飲食無度過飽即睡是為食積腹痛啼叫利如蠅渤由觸忤其



氣榮衛不和淹延日久是為氣積瘧後肚內結癖成塊

木香 蓬茂 砂仁 青皮去白 硃砂研細 代赭石研各

二錢 大丁香 川巴豆肉紙壓去油各一錢

右為細末和勻飛白麵為丸麻子大每服二三丸  
傷乳汁下食傷米飲下

取癖丸 峻劑非實積危甚不用

甘遂微炒 芫花炒 牽牛半炒半生 辣桂 蓬茂 青

皮去穢木香

桃仁浸去皮炒

五靈脂

各二錢

右為細末入去油巴豆一錢研和十分細飛麩糊丸

麻子大每服一二丸薑蜜湯灌下泄後冷粥補和胃

換癖丸 治乳癖穀積中塊痛

木香 青皮去穢

蓬茂

代赭石火煨醋淬細研

生地黄

各三

錢

巴豆

壓去油盡一錢

右為細末醋麩糊丸麻子大每服二丸食後薑湯下

外臺必效療大人小兒癖方

右取車下李仁微湯退去皮及雙仁與乾麩相半搗之為餅如猶乾和淡水如常搜麩大小一如病人手掌為兩餅微炙使黃勿令至熟空肚食一枚當快利如不利更食一枚或飲熱粥汁即利以大利為度至午後利不止即以醋飯止之利後當虛病未盡者量力一二日更盡一服以病盡為限小兒亦以意量之不得食酪及牛馬肉無不効但病重者李仁與麩相半輕者以意減之後服者亦量力頻試差神効

聖惠前胡丸 治小兒癖氣腹痛

前胡

桔梗

各去蘆

赤芍藥

赤茯苓

枳殼

川

大黃

當歸

郁李仁

去皮微炒各半兩

鼈甲

一兩炙令黃

右件搗羅為末鍊蜜和丸如菉豆大三歲兒每服空心以粥飲化破五丸服量兒大小加減

嬰孺治小兒閃癖身體壯熱頻服冷藥冷氣漫心成癖下焦又冷腸結大便難方

茯苓

川芎

鼈甲

炙

枳殼

炙

芍藥

各二分

柴胡

四分

右剉以水一大升三合煎至三合空心為二服去如  
人行五六里再服忌菹子

朱氏知母丸 治小兒腹痛不調魚癖氣

知母

六分 鼈甲

四分

牡蠣

枳殼

各三 炒

大黃

十二分 紙

裏煨  
熟

右件為末蜜丸如菘豆大米飲下五丸大人以意分  
減服

治七八歲兒多睡或時壯熱日加羸瘦身雖不痛有時

痢膿嘔逆不食是癰氣之候其疾似瘡疾人多不識  
此患方

柴胡

黃芩

各一分

枳殼

炒兩片

甘草

知母

芍藥

各二分

大訶梨勒

煨取皮一個  
小者用二個

右件為末水一盞煎服

針灸小兒癰氣久不瘥者灸中腕一穴章門二穴各七  
壯章門在大橫外直臍季脇肋端側卧曲上足伸下足  
舉臂取之 中腕在上腕下一寸臍上四寸居心蔽骨

與臍之中從鬲下取病人四指定穴併灸臍後脊骨  
中二七壯無不驗

### 渴

潔古論渴有三種 一者實熱積於心脾煩躁大渴引  
飲宜白虎湯謂不因吐瀉大病忽然而作 二者因久  
病或取轉過度致脾虛引飲宜白朮散 三者因患濕  
熱病熱結膀胱小便不利大渴引飲有表裏証者宜五  
苓散主之 百問云小兒唇紅如丹即發渴紅甚焦黑

則危篤若三焦虛煩作渴者用三黃湯傷寒後唇口焦者用白虎湯竹葉湯瀉痢作渴者用四苓散之類常治暑積心脾煩渴引飲者用白虎湯下利脾虛作渴用七味白朮散熱結膀胱小便秘渴者用五苓散上焦虛熱者用四君子湯膏粱積熱者用清胃散脾胃積熱者用瀉黃散中氣虛熱者用異功散腎水虛熱者用六味丸其餘疴証發熱各詳本証胎稟所致者當各審其因若誤用寒涼降火脾胃復傷則腹脹而為敗証矣



寶熱白虎湯

發熱

三黃湯

黃芩

黃連

黃蘗

各等分

用水煎服

聖惠黃連散

治小兒心肺積熱渴不止咽喉乾痛

黃連

去鬚

射干

川升麻

白茯苓

麥門冬

去心焙

玄參

甘草

炙微赤剉

桑根白皮

黃芩

各半兩

右藥搗羅為散每服一錢以水一小盞入青竹葉七片煎五分去渣入蜜半合更煎一兩沸放溫時時

與兒呷之

麥門冬散 治小兒心肺熱壅口渴不止

麥門冬去心 梔子仁 犀角屑 知母 甘草炙 黃芩

各半  
兩

右為散每服一錢水一盞入竹葉七片煎五分不計  
時候服亦可量兒大小分減服

聖惠銀飲子 治小兒熱渴不止

銀五兩 石膏 寒水石 蠶蛹二兩

右藥以水三升入銀石三味煎一升去銀石次下蛹蠶  
煎七合去滓每服半合不計時候溫服之量兒大小  
加減

菴藪根散 治小兒熱渴不止煩悶

菴藪根

三分半

黃芩

知母

各半兩

右搗羅為散每服一錢以水一小盞入小麥粟米一  
百粒煎五分去查不計時溫服量兒大小以意加減

又方

菰萋根三分黃芩半兩小麥

右以水三盞煎一盞去渣不計時服量兒大小加減

又方

生葛汁 竹瀝各二合

右件汁相和令勻不拘時服半合量兒大小加減

茅先生胡黃連散 治小兒諸渴及疳渴解諸般熱

胡黃連 麥冬 乾葛 玄參 甘草炙 枇杷

葉炙去毛

右各等分為末每服一錢水七分一盞薑一片同煎  
五分後放蜜三五滴同煎至四分溫服

虛熱聖惠蘆根散 治小兒壯熱不止

蘆根 黃耆 人參 甘草 麥門冬 知母

各半

兩

右件麤羅為散每服一錢以水一小盞入竹葉七片  
粟米一百粒煎至五分去渣不計時候溫服量兒之  
大小以意加減

嬰孺麥門冬湯

治小兒夏天服藥大下後胃中虛熱

渴欲飲水

麥門冬

甘草

龍骨

各四分

枳實

黃芩

茯苓

人參

各三分

右以水四升煮取一升半為三服服此湯後渴不差

取水芹煮濃汁飲之間湯服之甚者恣意與之服

蘆根飲子

治小兒肚熱渴兼吐不止

生蘆根

各切五分

淡竹青皮

人參

各八分

桔梗

各五分

知母

分十  
粟米  
合三

右以水五升煮之一升半量兒大小與之服

菰蘆湯 治小兒熱渴或吐下後虛熱渴

菰蘆

分五

黃芩

分三

知母

蘆根

分各二

生米

合二

麥門冬

合三

右切以水五升煮二升如飲漿水度服之

脾虛錢氏白朮散

人參

切去頭

白朮

木香

白茯苓

去皮

甘草

判炒

藿香

葉各一兩乾葛二兩

右為麤末每服一錢至二錢水煎溫服多飲之無時

海藏云治發渴四君子加乾葛枇杷葉

先以棗湯煮過炙乾用各

等分入木瓜少許同煎服亦治虛渴法也

濕熱五苓散

方見

小方脉論小兒渴病喫水太多腹脹泄瀉此病得之心藏熱心與小腸合小腸亦受熱小腸既熱其氣上行奔胃口致孩子喫水其水待奔小腸被小腸氣熱滲泄不



及轉入大腸如治之先下淋藥後下涼心藏藥然後止渴乃效 按此亦五苓散證也

小方脈論治渴先下淋藥方

鬱金

滑石

各一兩

旱連子

半兩

右件為末每服半錢煎葱湯調下急進三服涼心藥小方脈論欲止渴次涼心藏藥方

烏賊魚骨

海浮石

各一兩

蒲黃

炒半兩

右末每半錢用枇杷葉煎湯下

黃疸

錢乙論黃相似云身皮目皆黃者黃病也身疼髀背強大小便澀一身盡黃面目指爪皆黃小便如屋塵色看物皆黃渴者難治此黃疸也二証多病於大病後別有一証不用病後身微黃者胃熱也大人亦同又有面黃腹大食土渴者脾疴也又有自生而身黃者胎疸也古書云諸疸皆熱也深黃者是也若淡黃兼白者胃怯胃不和也難知云色如熏黃乃濕病也一身盡痛色如橘子

黃者黃病也身不痛 乾黃燥也小便自利四肢不沉  
重渴而引飲者梔子檨皮湯 濕黃脾也小便不利四  
肢沉重似渴不欲飲者大茵陳湯 大便自利而黃者  
茵陳梔子黃連三物湯 往來寒熱一身盡黃者小柴  
胡加梔子湯 潔古云陽黃則大小便赤澀身熱是脾  
土與心火相搏為陽病法當先利小便後下大便 陰  
黃則清便自調面目及身黃四肢冷是脾虛不能制腎  
水當用益黃散下使君子丸

益黃散方見脾史  
君子丸方見疳

凡治

黃病腹脹當用茵陳蒿湯調下五苓散若欲利小便去  
大黃欲利大便則加大黃之類有陽証可服謂面赤飲  
水者是也 湯氏云身疼髀背疼大小便澀皮膚面目  
齒爪皆黃小便如屋塵色利者易治澀者難治宜服五  
苓散加茵陳煎湯調又宜服導赤散加茵陳煎或身熱  
宜服小柴胡湯甚者服承氣湯 曾凡黃病者不可一  
槩而論標本不同証治亦異乃脾胃氣虛感受濕熱鬱  
於腠理淫於皮膚蘊積成黃熏發於外故有此證或脾

胃虛弱內因癥瘕攻之而成然疝瀉亦主皮黃髮豎肚  
大青筋肌肉消瘦外無色澤身必發黃此又本於疝病  
而作致有是證治法若感濕熱而得身黃如烟熏之色  
以咬咀五苓散加麻黃水薑煎投汗之即愈或用茵陳  
蒿湯調下五苓散亦好 若得於疝瘕者其形如黃土  
相類以醒脾散慢化瘕丸積醒脾快胃磨積理疝胃氣  
既和飲食倍進運化精微榮養百骸灌漑臟腑五色各  
見於本部精華乃形於面貌其黃自除 薛經曰中央

黃色入通於脾故黃疸者脾之色也夫人身之神貴於藏而默用見於外則內虛矣其証皆因脾氣有虧運化失職溫熱留於肌膚發而為疸錢仲陽所謂身痛背強二便澀滯遍身面目爪甲皆黃是也小便褐色者難治療法宜固脾為先如專用剋伐寬中澹泄利水之藥則鮮有不至危者矣若初生及百日半年之間不因病而身黃者胃熱胎黃也腹大食土為脾疳兼作渴飲冷者用瀉黃散脾小便不利者茵陳湯病後發黃肢體浮腫者

用白朮散

湯

清便自調肢冷嗜卧者益黃散

脾

身澹黃

白者調中丸

腹痛

及補中益氣湯

虛熱

加茵陳身熱膈滿肌

膚面目皆黃者加減瀉黃散辨其所以若閉目壯熱多

哭不已大小便赤澀口中熱氣者廼妊娠厚味胎毒之

候也母子並服生地黄湯

胎黃

仍忌酒麪五辛熱物設不

自慎悞傷脾土急則變為驚風吐瀉緩則肢體浮腫小

便不利眼目障閉多成疔疾矣又有脾虛發黃者當於

脾胃中求之

陽黃諸方茵陳湯 治陽明病發熱汗出者此為熱越不能發也但頭汗出身無汗齊頸而還小便不利渴引水漿者此為瘧熱在裏身必發黃傷寒七八日身黃如橘色小便不利腹微滿者宜此

茵陳蒿

嫩首一兩

大黃

三錢半

梔子

大者三枚

右以水一大盞先煎茵陳次內二味煎八分去滓服日三服小便當利如皂角汁狀色正赤一宿腹減黃從小便中去也量大小加減



梔子槩皮湯 治傷寒身黃發熱

梔子

八枚

黃槩

一枚

甘草

炙

半兩

右剉散每服二錢煎六分去滓溫服

犀角散 治小兒黃疸一身盡黃

犀角

二兩

茵陳

乾葛

升麻

龍膽草

生地

黃

各半兩

寒水石

七錢

半

右水煎服 一方治小兒忽發黃葛根搗汁和蜜服

連翹赤小豆湯 治小兒傷寒發黃身熱

麻黃

去節

連翹

甘草

生薑

赤小豆

生梓白

皮

各二兩

杏仁

四十個

大棗

十二枚

右剉散白水煎

又方生小麥苗搗汁服之立效

羅謙甫治一小兒季夏身體蒸熱胸膈煩滿皮膚如漬橘之黃眼中白睛亦黃筋骨痿弱不能行立此由季夏之熱加以濕氣而蒸熱搏於經絡入於骨髓使臟氣不平故脾遂乘心濕熱相合而成此疾也蓋心火實則身體蒸熱胸膈煩滿脾濕勝則皮膚如漬橘之黃有餘之

氣必乘已所勝而侮不勝是腎肝受邪而筋骨痿弱不能行立內經言脾熱者色黃而肉蠕動又言濕熱成痿信哉斯言也所謂子能令母實實則瀉其子也蓋脾土退其本位腎水得復心火自平矣又內經曰治痿獨詳於陽明正謂此也加減瀉黃散主之

加減瀉黃散方 此藥退脾土復腎水降心火

黃連

茵陳

各五分

黃芩

山梔

茯苓

各三分

澤瀉

二分黃栢

三分

右作一服煎六分熱服食後一服減半五日再服而愈  
經云土位之主其瀉以苦又云脾苦濕急食苦以燥  
之故用黃連茵陳之苦寒除濕熱為君腎欲堅急食  
苦以堅之所以黃檗之苦辛寒強筋骨為臣濕熱成  
煩以苦瀉之故以黃芩山梔子之苦寒止煩滿為佐  
濕淫於內以淡泄之故以茯苓澤瀉之甘淡利小便  
導濕為使也

張渙蘆根散 治黃病

蘆根

判一兩

茵陳

山梔子

黃芩

甘草

四味各半兩

右件搗羅為細末每服一錢水八分入薄荷三葉煎至五分去滓放溫服

子芩散

治黃病

黃芩

瓜蒌根

茯神

各一兩

甘草

胡黃連

各半兩

右件為細末每服一錢水八分煎五分去滓溫服

茵陳湯

治小兒發黃等病身如橘色

山茵陳

山梔子仁

各一兩

川大黃

川芒硝

木

通 寒水石

各半  
兩

右煎服法同前

三黃散 治小兒黃疸之症

川大黃

劉微炒  
一兩

黃芩

黃連

去鬚各  
半兩

右煎法同前食後服

雙連丹 治疸病

川黃連

去鬚

胡黃連

各一  
兩

右搗羅為末用黃瓜一枚去穰留一小盖子入二藥末以盖子盖定用麩裹漫火燒令麩焦去麩搗如菜

豆大每服七粒至十粒溫水下量兒大小以意加減

陰黃諸方當歸散

見悲哭門  
夜啼條

當歸丸 治小兒冷熱不調大便青黃心腹多痛或腹

中氣滿或時嘔逆不欲飲食

加枳殼  
尤妙

當歸 白芍藥 人參 川芎 甘草 白朮

各三錢  
炙

各半  
兩

右為末水煮麩糊為丸如麻子大三歲兒每服十九  
粥飲下日三服量大小加減冷甚加陳皮

小半夏湯 治黃疸小便色不異欲自利腹滿而喘者  
不可除熱熱去必噦

半夏湯洗  
七次

右剉散每服三錢水一盞薑十片煎七分去滓溫服  
滲濕茯苓滲濕湯 治小兒黃疸寒熱嘔吐而渴欲飲  
水身體面目俱黃小便不利不得安卧不思飲食

茯苓五分澤瀉三分茵陳六分豬苓 黃芩 山梔 黃

連防已 白朮 蒼朮 陳皮 青皮 枳殼各二錢



右吹咀水煎徐徐溫服

消食消食丸

治小兒脾胃不和常服寬中快氣消乳

食正顏色

確砂仁

陳皮

三稜

蓬茂

神麴

麥芽炒

香附子

米泔浸炒

枳殼

檳榔

烏梅

各半兩

丁香

二錢半

右為末麵糊丸棗豆大食後紫蘇湯下二三十丸

丹溪治小兒吐瀉黃疸方

三稜

蓬茂

青皮

陳皮

神麴

麥芽

黃

連 甘草 白朮 茯苓

各等分

右為末溫熱水調服若傷乳食吐瀉加山查時氣吐瀉加滑石發熱加薄荷

和胃淡黃白者胃不和也平胃散

不乳食

調中丸

腹痛渴

者白朮散

渴

搗鼻瓜蒂散 治小兒忽發心滿堅硬脚手心熱變為黃疸不急治則殺人

瓜蒂 七枚 赤小豆 七粒 秫米 七粒

右為末用一匙吹兩鼻內令黃水出餘未盡水調服  
之得吐出黃水即愈一方瓜蒂一兩赤小豆四兩為末每一  
錢溫湯調服後即卧當吐清黃汁為效虛者不宜服  
千金翼秦王九疸散兼治大人小兒方

胃疸食多喜飲梔子仁主之 心疸煩心心中熱茜

根主之 腎疸唇乾莖薤子主之熱 脾疸尿赤出

少惕惕恐蕪蕪主之 膏疸飲水尿多秦椒瓜蒂主

之椒汁膏一作肺 舌疸渴而數便鍾乳主之 肉疸小便

白凝水石主之

髓疸目深多嗜卧牡蠣澤瀉主之

肝疸胃熱飲多水激肝白朮主之

右一十一味等分隨病所在加半搗篩為散飲服五分分日三稍稍加至方寸寸兒小者量與之

黑疸千金翼治大人小兒黃疸變成黑疸醫所不能治方

右用土瓜根搗汁一升頓服之病當從小便出小兒分減服葛氏亦治小兒四歲發黃者

千金翼治大人小兒黃黑疸等方

當歸

三桂心

兩六 乾棗

十七枚

麥門冬

升一 大黃

兩一 茵

陳

黃芩

黃芪

一本

乾薑

茯苓

芍藥

黃

連

石膏

碎

人參

甘草

各二

右呔咀以水一斗煮取三升半分四服小兒減服

千金翼赤苓散主黑疸身皮大便皆黑通治大人小兒

赤小豆

三十枚

茯苓

女萎

各六

雄黃

一

瓜丁

四 甘

草

二

右六味以水三升煮豆茯苓取八合搗四味為散和  
半錢錢服之須臾當吐吐則愈亦主一切黃小兒服  
半字字

滯頤

巢氏論滯頤之病是小兒多涎唾流出漬於頤下此由  
脾冷液多故也脾之液為涎脾氣冷不能收制其津液  
故冷涎流出滯漬於頤也 按內經云舌縱涎下皆屬  
於熱而此專屬脾冷亦一偏之見張渙處冷熱各二方

為得之然以流出為冷不流出為熱恐亦未確

張渙濕脾丹 治脾冷病

丁香 木香 半夏 青橘皮

各一兩 用生薑六兩 同搗細炒令黃

白朮 乾薑

微炒各半兩

右為末蜜和如黍大每服十粒米飲下量兒大小加減

溫胃散 治脾冷流涎

丁香 肉豆蔻 半夏 白朮 乾薑 甘

一兩 白礬水浸炒黃

草 人參

去蘆頭 各半兩

右為末每服一錢入生薑三片煎五分去滓食前溫服  
金朱丹 治脾熱多涎

金箔

二十片研

朱砂

細研水飛

半夏

湯浸七遍取末

天南星

牛胆製取末各

一兩

白茯苓

取末

石膏

細研水飛各半兩

右件細研用生薑自然汁和如黍米大每服十粒煎  
人參湯下乳後

牛蒡丹

牛蒡子

一兩

鬱金

兩

川朴硝

枳殼

麩炒去穰

皂子

炒各半兩



右藥五味搗羅為極細末用生薑汁打白麩糊丸如黍米大每服十粒煎人參湯吞下量兒大小加減千金治小兒口中涎出方

以白羊尿內口中

又方

以東行牛口中沫塗口中及頤上

又方

桑白汁塗之差

大小便不通

翰林待詔楊大鄴問小兒大小便秘澀者為何答曰乳食失度使之四大不調滋味有貪遂乃五藏受病甘甜聚食鹹酸滯涎食滯留結於胃腸風壅漬癖於心肺氣脈不順水穀不行雖不逆於上焦即秘結於下部小兒不知疼痛莫說因由驚啼叫以頻頻但怒脹而不乳不知孩兒痛刺連臍則面色青黃但按脉息與治若不見病源只依外變用藥安能尅效 百問調理嬰孩傷寒

體熱頭目昏沉不思飲食夾驚夾食寒熱大小便閉澀  
不通煩躁作渴冷汗妄流夾積傷滯膈滿脹急青黃體  
瘦日夜大熱及療傷風傷暑驚癇客忤腎藏疴氣等熱

並宜脫甲散主之

傷寒

亦可服大連翹湯

痘便

加大黃

神芎治小兒驚風積熱大小便澀滯其效尤速又掩臍  
法用連根葱一莖不洗帶泥土生薑一塊淡豆豉二十  
一粒鹽二匙同研爛捏餅烘熟掩臍中以綿札定良久  
氣透自通不然再換一劑

神芎丸 治風熱壅滯頭目昏眩口舌生瘡牙齒疳蝕  
或遍身瘡疥咬牙驚惕怔忡煩躁多渴或大小便澀滯  
或積熱腹滿驚風潮搐並皆治之

大黃

生

黃芩

各二兩

生牽牛末

一兩

滑石

四兩

黃連

薄

荷葉

川芎

各半兩

一方加蒲黃止血證用

右為細末滴水丸如桐子大每服四五丸食後溫水下

錢氏郁李仁丸

治襁褓小兒大小便不通并驚熱痰

實欲得溏動者

郁李仁去皮 川大黃去蘆皮取實者剉酒浸半日控乾炒為細末各一兩 滑石

半兩  
研細

右先將郁李仁研成膏和大黃滑石丸如黍米大量大小與之以乳汁或薄荷湯下食前

犀角丸 治小兒風熱痰實面赤大小便秘澀三焦邪熱腑臟蘊毒疎導極穩

生犀末一分 人參去鬚切 枳實去穰切 檳榔各半兩 黃連一兩

大黃二兩酒浸切片以巴豆去皮一百個貼在大黃上紙裹飯上蒸三次切炒令黃焦去巴豆

不用 右為細末鍊蜜為丸如麻子大每服一二十

丸臨卧熱水下未動加丸數亦治大人字婦無損

惠眼芍藥散 治大小便下藥不通者

芍藥 大黃 甘草炙 當歸 朴硝

右為末每服一錢水一盞瓦器中煎半盞去滓服即通

吉氏治大小便不通方

甘草節炮 槐花洗各一兩

右末每服一錢茶半錢溫湯下

又方

滑石

一大錢

灯心

一握

右水煎温服 子母秘錄用蜂房燒末酒服一錢日再

揜臍法

海螵

四十個

葱根

帶土七個

黑豆

七個

鹽

少許

握宣丸 治小兒便難燥結或復澀藥腹脹悶亂命在

須臾可用此丸不移時大小便自利

巴豆

一錢半

硫黃

良薑

附子

檳榔

甘遂

各等

分

右為細末粟米飯和丸如菘豆大用椒湯洗小兒男  
左女右手握之用綿裹定看行數多少置藥洗去不  
用即止

千金灸法小兒大小便不通灸兩口吻各一壯

大便不通

百問小兒大便秘乃是肺家有熱在裏流入大腸以致  
秘結不通乃實熱也當以四順清涼飲熱加柴胡熱甚



者加山梔黃芩流利之其表裏俱熱者面黃頰赤唇燥

口乾小便赤澀大便秘或吐疼者先解表以柴胡散

傷寒

汗之解後大便秘或吐疼者以清涼飲大柴胡湯承氣

湯

並熱

皆可下之積食者神芎丸尤妙

薛因乳母或

兒膏梁積熱及六淫七情鬱火傳兒為患者用清邪解  
鬱之劑稟賦怯弱早近色慾大便難而小便牽痛者用  
滋補肺腎之劑褚氏遺書云男子精未滿而御女以通  
其精則四體有不满之處異日有難狀之疾老人陰已

痿而思色以降其精則精不出而內敗精已耗而復竭之則大小便牽痛如淋今童子即有此患益見今人所稟與古人大徑庭矣人之氣血厚薄既殊而醫之用藥療法又豈可泥執古方而無加減之變乎 一小兒食糝停滯大便不通痛不可忍手足發搐用大柴胡湯調酒麩末一錢下滯穢甚多作嘔不食用五味異功散加升麻柴胡而愈 一小兒大便不通審乳母飲食厚味所致用清胃散以治母熱兒間飲以一二匙而愈後乳

母感寒腹痛食薑酒之物兒大便秘結兼便血仍用清  
胃散每日數匙而愈 一小兒因乳母暴怒大便不通  
兒亦患之兼用加味小柴胡湯先用保和丸二服後用  
五味異功散加升麻柴胡兒日飲數匙並愈

聖惠芎黃散 治小兒大便不通腹脇妨悶


芎藭半兩 川大黃剉微炒 郁李仁

湯浸去皮  
微炒各三

分

右件藥搗細羅為散每服一錢以溫水半盞調服量

兒大小以意分減以利為度張渙兼治大小便不通  
張銳雞峯方用麻子以水研汁飲之



證治準繩卷九十五